

CANNEN SPIRITUEL

A Vuhé SANT ALEXIS.

A Nep a ngar JESUS.
A greisic é galon,
Hac a ven bout eurus
Eveit jamæs gueton,
Considered erhat
Buhé sant Alexis,
A ziscoeï Demp reh mat
En hent d'er Baradois.

É Roin e'hoé gannet
A guerent forh puissant,
Peré hoé estimet
Guet en ol tud vaillant;
Rac i vivein erhat,
Evel guir Christenion,
É tiscoent example vat
Partout dré er hanton.

En dut necessitus
Hac en intanvezet,
Er beurerion mehus
Hac en orphelinet
Nou devoé quin recour
Meit é ti Euphemien,
Evit cavoet secour
Ha torrein hou anquein.

Forh pel é vivezant
Hemp hou devout ligné,
Pedenneu a rezant
Liés den Eutru Doué,
Mar plichezé guet-on
Rein ur hroaidur dehé;
De gonsolation
Er reste a hou buhé.

A la fin Doué touchet
Dré en orezonneu
A rent dehou bamdé
Hac hou alezonneu,
A ras ur map dehé
Pehani a viyas
En durant é vuhé
En ur santeleh vrás.
Er hroaidur ALEXIS
A ré mørcheu abret

Durant é ioanctis
 E tisprisé er bet:
 Dré é vuhé reglet
 Ean a rezé d'antan
 Penaus echoé gannet
 Evit devout ur Sant.

Euphemien é dat,
 Pe zas en ouait dehon,
 Quenteh e oulennas
 Ur pried eveit on,
 El men devoé puissance
 Hac assès a vadeu,
 Ean e vennas avance
 E vab én inourieu.

En Ampereur e Rom
 En dehoé ur Princés
 Hac a voé deit de chom
 De vaton d'é balés,
 Ur verh santel e hoé
 Ha carguet a zouster,
 Hac open en dra-zé
 E hoent hou deu a quer.

Er Prince Euphemien
 I hanavé reh mat
 Hac e yas d'hi gouien
 Eveit priet d'é vab.

Er Roué Honorius
 A rescondas dehon
 Penaus echoé joïus
 Ma vezé reit dehon.

Nezé sant Alexis,
 Evit plegein d'é dat,
 A ziscouas é pep quis
 Echoé ur hroaidur mat;
 Car ean a guemeras
 Olympi eit priet,
 Mæs guet ur glahar bras
 En dout um angaget.

Eun en dehoé a chom
 En durant é vuhé
 Guet é briet é Rom,
 É leh servigein Doué;
 Mæs imber em gavas
 É creis é liberté
 Dré er peh a glevas
 A berh en Eutru Doué.

En nos quent æredein,
 Doué e gonzas doh-ton,
 Eit en avertissein
 Dré révélation
 De guittat é briet
 Hac é ol palesieu,

De zisprisein er bet
Hæc en ol inourieu.

Car allas Alexis,
Emé en Eutru Doué,
Nen dès nitra hemp pris
Meit un éternité,
Hac evit bout eurus
Petra servige doh hui,
Ma na garet Jesus.
Mui evit Olympi.

Er Sant, a pe glevas
Er révélation,
Quenteh, é commanças
Larein à ûir galon:
Ah ! ne oulennan quin,
Me Jesus guirion,
Ah ! ne oulennan quin
Meit hou permission.

Men Doué, me zou coutant
A guittat er hanton,
Ya, me zou coutant,
A greizic me halon:
Evit tat m'ou quémér,
Jesus, Salver er bet,
Ha hui, Guiriés santel,
Evit mam ha priet.

Nezé sant Alexis,
 Hemp tardein ur momant;
 Hemp laret é avis
 Nac é ûir santimant,
 El ma hé de ziblas
 E gonzas doh hi voés
 Péhani a gavas
 Ir gambre ag é balés.

Quer ferm é cred é Doué
 El un Æl ag en neu,
 Jamaës songe n'en dehoé
 A vlesein é inéu,
 Ean a ras seulement
 D'Olympi é briet
 Ur groés eur a brezant;
 Hac hi bizeu aret.

Nezé é sortias,
 Hemp laret men ehé,
 É eur a guemeras
 Hac er peh en dehoé,
 Guet eun a vout guélet,
 E tiblassas béan mat
 En habit deguizet
 Er méz a dy é dat.

Dur porh mòr é redas.
 Béonnan ma helle,

Hac éno é cavas,
 Dré permission Doué;
 Ur lestre evit diblas
 Ér méz ag er hanton,
 Hac ean um ambarcas
 A greizic é galon.

Quetan doar a gavas
 A voé Laodicé,
 Hac éno é querhas
 Hac en nos hac en dé,
 Didan volanté Doué
 Hac é vam er Uériés,
 E h'arrivas nezé
 Ér guer hanvet Edés.

Eno é partageas
 Etré er beurerion
 Argant ha madeu bras
 Peré a voé gueton,
 É zeillad hac é eur,
 Hac é ol abideu,
 Ean ou ras ol d'er peur
 Evit é beilloteu.

Nezé é has evé
 De glasq en alezon
 A zor de zor bamdé
 Emesq er beurerion,

Hac a pen devezé
 Mui evit necesser,
 Ean en distribué
 Den dut clan dré er guer.

É porchet un ilis,
 Hac a voé forh hantet,
 Echoé é logeris
 Hac é ol darempret:
 Eno é hoé placet
 Un image d'er Uériés
 En dehoé quemeret
 Evit avocadés.

Durant ma hoé loge,
 Er peur queih Alexis
 En ur guer divroet,
 É porchet un ilis,
 É pried Olympi,
 É dut hac é ligné
 A voé é melconi.
 Hac en noz hac en dé.

El un druhunel peur
 An dés collet hé far,
 Ha ûélet drest en deur
 En hirvout ar ur bar,
 Er guis-cé é clevet
 Olympi é oulein

Hemp repos na coussuet,
Hemp ivet na daibrein.

Euphemien é dat
A pen das de clevet
Ehoé quitteit é vap,
Hemp laret tra er bet,
A gassas meuilleu
Quasi ol dré er bet,
Da oulen quevelleu,
E songeal er havouet.

El ma ouent dibarès,
Fidel ha diligeant,
Int a yas de Edès,
El leh ma hoé er Sant,
Hac en ou annavas,
Hemp disclerein dehé,
Ha memb a oulennas
En alezon gueté.

Nezé en em denna
Tremeh ag er porchet,
Hac a drugarecas
Jesus, en ur laret:
Joé a mès ém halon
Nen don quet annaveti
Guet den a me hanton,
Na guet me mouellet,

En durant seihtec vlé
 Echoé er Sant éno
 É vivein er guis-cé
 Hemp songeal en é vro :
 Mæs anfin er gueris
 Reih mat a annavas
 Santeleh Alexis,
 Doh é benignen vrás.

An image hont a voé
 Er porchet en ilis,
 A revelas un dé
 Santeleh Alexis :
 En inour er spontas
 Er guis ma ré perpet :
 Raccé ean a guittas,
 Guet eun a vout trumpet.

Ean en hum ambarquas,
 En desir de onnet
 En tural d'er mor bras,
 Forh pel é prehindet ;
 Mæs allas ! en tourmant
 Hac en ahuel contrer
 A zegassas er Sant
 Diar er mor d'er guer.

Ér porh mor a Osty
 E h'arrivas quetan

Er vro a Intaly,
Pe songé bihannan :
Nesé e commanças
Ouilein dré er galon,
Quenteh ma hanavas
Ehoé en é ganton.

Me vel Rom, em-eon ;
Me vel palès me zat :
Pella, tentation ,
Ne fal quet dign tostat :
Petra rign-mé breman ,
Me Jesus, me Salver ,
P'en don deit bet aman ,
Ha me yeï bet er guer ?

Avance hardéh mat ,
Emé en Eutru Doué ,
Querh de balés ha dat ,
Ha m'ha conservò mé ;
P'an dous bet fidel deign
Durant te ol boénieu ,
Jamæs na teleseign
En a tentationeu .

Alexis e sentas
Hemp resistance er bet
Doh er voueh a gleüas
Aberh Salver er bet ,

Raccé é retourñas,
 Dré é consantemant,
 Der memp bro anguitas
 Dré é commandemant.

Pe antreas é quer,
 Quent ma ras tra er bet,
 E pedas er Salver
 Hac é Vam beniguet
 De reign er græce dehon,
 Der gaarantein perpet
 Doh en tantation
 Ha finesseu er bet.

El marté Alexis
 A ober oræson
 Ér mez ag un ilis,
 Ha poén en é galon,
 E rancontras é dat
 Guet é serviterion,
 Er guis ma hoé é stat
 Hac é condition.

Er Sant, a p'er guélas,
 A yas de gonz dohs ton,
 Hac guet un donster vras
 E lavaras dehon :
 Eutru, me zo carguet
 A bep sort peuranté,

Hac er quis ma huelat
Mé mès nécessité.

Eutru , clevet e mès ,
Pen don don deit érhantion ,
Ne refuset jamès .
Nétra d'er beurerion :
Hanvet oh a viscoah
Tat en dut affliget ,
Hui a ussq er ré noah
Hac en orphelinet .

Hac e mès quemeret
En hardehtet ehué
De zonnet dou cavet
É creis me feuranté ,
Evit hou suppliein ,
É hanhue en Eutru Doué ,
De reign logeris deign
Er reste a mem buhé .

Er prince Euphemien ,
Hemp anavet é vap ,
Ne glasqué netra quein
Meit ober aivreu mat ,
Hac a gommardas reign
Ur logeris dehon ,
Hac open a ras soign
Dur meuèl a nehon .

Mæs er meuèl ingrat
 Ha hemp truhé er bet,
 É leh er soignein mat,
 El ma hoé commandet;
 El lacas en exprés
 Etré diue goh vangoér;
 É léh na voué jamés
 Na confort, na splandér.

Hac open en dra-zé,
 En ol serviterion
 Ne rent na nos na dé
 Repos er bet dehon;
 Er vilan sotisseu,
 Ha canveu a bep quis
 A voué douçan conzeu
 A larent d'Alexis.

Lod a daulé doh-ton
 Scupadureu en ty,
 Lod aral pep sort stronc
 Ha pep sort loustery,
 Reral er scrabissé
 Hac a denné é varhue;
 Er fin ne rent bamdé
 Meit disirein é varue.

Alexis a souffré
 Guet ur guir patientet,

A gaus den Eutru Doué
 Ha dé vam beniguet;
 Mæs allas ne oué quet
 En ol injurieu-zé
 A laqué é speret
 Én anquin ha tristé.

Doh un tu é clévé
 É dat peur é ouilein,
 Doh un al é uélé
 É vam é huannadein,
 É briet Olympi
 A grevé é crial
 En ur pen ag en ty
 Bedic er pèn aral.

Ah! me map Alexis,
 E-mé Euphemien,
 Mèn e hoé me avis
 A hou ç'alliancein?
 Mé eu azo caus mat
 Ma hoës men delezet,
 Rac ne oé quet d'hou grat
 Quemerein ur priet.

Ha possible e vehé
 Enem behé ur map
 Hac em delezehé
 En anquein ha huannat

E léh bout héritour
 Deign ha d'em ol donné,
 Ha carguet a inour
 Durant é ol vuhé.

Me Map a garanté,
 E-mé er vam beur hont,
 Petra mès groeit didé,
 P'em lezès en hirvout?
 Me mès te gonservet
 Etré men dihue gosté,
 Me mès te oulennet
 Deguet en Eutru Doué.

Ha breman tem dispris,
 Dinatur a galon,
 T'em deleze, Alexis,
 Hemb consolation!
 Ah! preparet ur bé,
 Evit me interrein:
 Paré eu mem buhé,
 Ne fent quet mui bivein.

Alexis, Alexis,
 A laré Olympi,
 Me friet Alexis,
 E peh broé hoh-hui?
 Ha possible vé laret
 E vehen intanvés

Ag en nos distinet
Evit bout rouannés.

Scuillet, men deulegat,
Dareu én abondance,
Mal eu déign ancohat
Pep sort rejoissance;
Ne gaver Alexis
E nep leh ar en doar:
Doué ag er Baradoïs,
Na brasset ur glaharl.

Alexis a glevé
En é léh disconfort
En ol glahareu-zé,
Ha réral a bep sort,
Hac a uélé é dat,
E vam hac é briet
E passein liès-mat
Etal don glaharet;

Alexis a vivas
Er stat truhéus-cé
Guet ur batiantet vras
En durant seihtec vlé,
Ha jamés n'um glemas
Ag er serviterion,
Nac ag er boénieu bras
A hoé en é galon..

Rac Doué a gonservé
Alexis é vignon
Durant er poénieu-zé
Idan é protection,
Jamés er songe hem quein
Ne dosté dé galon,
Na desir de sentein
Doh en tantation.

Ean a vivé bamdé
Guet guir devotion,
Ha perpet é vezé
E hober oræson ;
Peb sul é covessé
Guet guir contrition
Hac en um gonforté
Dré er gommunion.

Anfin Doué a vennas
Recompansein er Sant
Ag é benigen vraſ
Hac en ol castimant
En devoé anduret
Evit plégin dehon,
Er hassas ag er bet
D'er Baradoïs gueton.

Hac open en dra-zé ,
Doué a laras dehon

En dé ma varvezé
 Dré révélation:
 Nezé é commanças
 Trugarecat Jesus
 Ag é garanté vras
 Guet ur galon joyus.

Nezé ean a scrivas
 Ar ur folien paper
 Er peh e anduras
 Durant é ol amzer:
 E hanhue a zisclerias
 Hac ol a boent de boent
 Er peh en obligeas
 De guittat é guérent.

A p'en devoé scrivet
 Ha requetet Jésus
 D'el lemel ag er bet
 En ur momant eurus,
 E plegas er paper
 En é zourn benignet,
 Evit gortoz en ær,
 El ma hoé revelet.

El ma tispartié
 E gorf doh é ineu,
 Etas pront a berh Doué
 Ur voéh à lein en neu,

Ha dré voyand un Æl
 A gonzas evel men :
 Clasquet en den-santel
 E ty Euphemien.

Er Pap hac er Roué,
 Ha memb tat Alexis.
 A glevas er voeh-cé
 El ma hoent én ilis,
 Hac int monet aben,
 Hemp tardein ur momant,
 De dy Euphemien,
 Evit guelet er Sant

Enoé é creis er place,
 En ur gampric tihoel,
 Goleit e hoé é face
 Idan ur goh vantel,
 Hac a pé lammezant,
 E hoé é face santel
 Quer caer ha quer brillant
 El pe vé bet un Æl.

Mæs a pe vennezant
 Lemel er villeten
 A hoé é born er Sant,
 Evit assé hé leine,
 N'é lezas guet é dat,
 Na guet den anehon

Que ne dostas er Pap

Dé goulen de gueton.

N'en dès den ar en doar,

Na ne vou birhuiquein

A laro er glahar,

En hirvout, en anquein

A hoé én ur momant

E ty Euphemien,

A pe goimancézant

De leine er villeten.

E dat a pe glevas

Hanhue é vab Alexis,

Hac er peh a souffras

En é dy é pep quis,

A lausquas un taul cr?

Ihuél ha truhéus,

Que ne sonnas é dy

Guet ur voeh glaharus

En anquein a vougas

Er gons en é galon,

Quenteh el mar sellas

E couéhas étal don

Que ne songé en ol

Peré a hoé presant

Penaus ehé de gol

Isprit ha santimant.

**Mam er Sant a glevas
Er voeh glaharus-cé,
Ha quenteh e ridas
Evit gout petra hoé;
Mæs er vam beur allas,
Pe hanavas é mab,
A goéhas ar er place,
Semblet guet er glahar.**

**Er princès Olympi
Hoé d'er-lué hé unon,
Perpet ér melconi
Hac én affliction;
Mæs a pe zesquennas,
A pe uélas hé den
Hac a p'en hanavas,
Ah Doué! pebeh anquein!**

**Dehoh eu é ouillen
A oudé pêl amzer,
Ha hui eu a glasquen!
Ha bout' echoéh ér guer:
Diar ur guer pé deu
E couéhas ahetet,
Béet guet en dareu,
Etal treit hé friet.**

Honnan eu, Christenion;
 Buhé sant Alexis;
 Anep a reï èl don
 A yeï d'er Baradoïs;
 N'en dé quet er madeu
 Nac inourieu er bet
 A gondui der joyeu
 Er Sent ha Santezet.

Allas ! na liesset
 E lacq er péhour peur
 E ol studi ér bet
 En argant hac én eur:
 E leh servigein Doué
 El m'en dé obliget,
 E basse ol é vuhé
 E folleaheu er bet.

Diguor enta, péhour;
 Diguor a zeulegat;
 Distro doh te Grouéour;
 Ha consider erhat,
 Consider hoah ur uéh
 Ema te ineu peur
 Precieussoh mil guéh
 Evit argant nac eur.

Sellet hoah guet truhé,
 Jesus, Salver er bet;
 Sellet hoah a druhé
 Doh ur péhour calet;
 Distaguet é galon
 Doh inourieu er bet,
 Hac anseignet dehon
 En hent de vont salvet.

FIN.

E GUÉNET,

E ty De LAMARZELLE , Imprimour,
ar el Liceu.